

巴東縣志卷之十四

事變志

寇亂

梁元帝承聖二年武陵王紀舉兵由外水東下至巴東知侯景已平乃自悔以既稱尊號不可復爲入下遂至西陵秋七月辛未巴東民符昇等斬峽口城主公孫晃降於王琳謝答仁任約攻侯叡破之拔其二壘於是兩岸十四城俱降紀不得退樊猛擊斬之

巴東縣志

卷之十四

事變寇亂

一

宋理宗嘉熙二年十二月蒙古塔海等帥眾南侵荆湖制置使孟珙辰自必道施黔以透湖湘設策備之珙兄璟知峽州率兵迎拒於歸州大壩若得捷於巴東遂復夔州

明崇禎七年流賊過巴東

時流賊自楚入蜀有一斗粟整十萬等號

江北

居民遭其屠掠者大半自是陸續往來歲十數起百姓流離失業

十六年李自成遣其僞知縣王一恒至巴東牟氏率蠻眾以討賊爲名恣行殺擄縣治被焚

十七年二月張獻忠盡驅荊州民入蜀男大扶携魚貫而進越數月始畢餓斃者積屍滿道巴東亦被掠千餘人

國朝順治二年王學詩率川東十二隘兵駐巴東殘暴無紀律百姓患之逾年乃去

三年李來亨高必正等自歸興來縣攻砦峒焚廬舍男婦被擄不殺索財則縱之大江以南得免明年乃渡江入施州衛

五年譚毅譚弘余大海等不時出沒巴東沒掠無算

巴東縣志

卷之十四

事變寇亂

二

是歲十月王光興及其弟昌率所部駐南坪

縣屬地名

昌

性暴酷多虐民光興屢戒之乃止光興招集難民約束軍旅大江以南賴以稍甯無何昌病死十三年光興以官兵漸逼遁入施州衛去之日秋毫無犯康熙三年乃降

劉體純者陝之延安人驍勇有方畧御衆嚴明順治九年與其黨管天保至巴東體純駐陳家坡天保

駐平陽壩

俱縣屬地名

又有袁宗弟郝堯奇李來亨等

分駐大昌房興等縣並天保共十二家悉推體純

爲首聽節制焉體純始至民皆避匿砦峒體純使人招致之俾各就業供租稅不應則立遭屠戮時巴東大江以北屬體純天保大江以南屬王光興兄弟清江以南屬容美土司田甘霖光興旣遁入施州衛於是體純天保遣其將劉應昌等阻人將銳卒二千渡江晝伏夜行不四日抵容美擒田甘霖及其妻子以歸遂盡逐江南民北渡時順治十四年正月也容美以金銀數萬贖甘霖及復遣還康熙二年十二月官兵攻益急其黨皆潰天保赴

巴東縣志

卷之十四

事變寇亂

三

軍前降體純奔長豐

縣屬地名

及其妻子婢妾皆縊死

死之日其處天鼓鳴司馬李公給資命其仗下卒以體葬焉體純等俱假故明封爵以號令其衆體純爲皖國公天保爲宜都侯光興爲荊國公昌爲襄陽侯各分踞巴東歷年有差體純及光興在諸寇中頗知愛民故巴東人獲留十一於千百者體純等力也

康熙十三年吳三桂反守備孫佳以巴東降於賊三桂授佳爲僞遊擊使仍駐巴東賊令民運米至南

漳及興山之黃連坪運板至彝陵民不能堪逃亡相繼黠者賄僞帥請割爲標官或充伍以脫其役承差者益少逃亡益多十八年二月賊遁自彝陵焚縣治所過劫擄畧盡未幾官兵至民乃復安嘉慶元年白蓮教匪林之華覃佳耀起長陽擾及巴東三年威勇侯額勒登保討平之

災祲

明洪武以來縣屢火

隆慶間縣火

巴東縣志

卷之十四

事變寇亂

災祲

四

萬歷四十年夏霖雨不止江水泛漲衝縣廬舍數百家知縣李光前詳發倉穀四百石賑之

冬十二月十七日縣火復詳動歸州倉穀四百石並縣倉穀二百石賑之

崇禎十五年縣多虎白晝食人縣民治侶而行並偶而耕然虎時時於衆中攫人日以數計先是山中虎雖多晝輒匿不出間於夜啖羊豕而已其晝出食人自是歲始嗣後日夜不絕死者萬餘人至壬辰歷十二載乃稍息焉

國朝順治間縣爲劉體純等所拒歲祲穀貴蜀寇又不

時劫掠斗米值銀四兩饑民相食餓斃者千餘口

康熙十一年秋七月縣大水漂沒民居

按是年歲在壬子萬歷四

十年亦在壬子

十八年冬十一月十四日戌時天方陰晦忽雲際有

光如火而白大如席照地纖毫皆見中有聲似雷

非雷殷殷不絕稍頃作霹靂聲其光散爲大炬隨

聲向東北而止

按次年正月官兵克巫山遂定全蜀豈賊滅亡之兆耶此異他處不

見獨巴東見之故並紀焉

巴東縣志

卷之十四

事變災祲

五

是歲夏秋俱旱明年春復旱知縣齊祖望勸富民捐

穀賑之奉中丞檄也

二十年春二月六日夜縣火知縣齊祖望捐資量賑

之

五月麥方熟阻於霖雨未獲及霽而麥又盡爲鼠

所啖止餘空莖耳其鼠似家鼠而尾大色較赤焉

秋七月縣大水漂沒民居

按明萬歷四十年縣先水後火兩次發倉穀一千

石賑之今康熙二十年先火後水又重以無麥之

災而邑新復未久倉無升斗之儲令又屢空卽有
推解不能濟萬一災甚於古而遇倍難於古民其
如此災何令其如此民何舊志

乾隆五十四年縣治大水舟入街心

嘉慶三年縣火

嘉慶十一年山水陡發 文廟被沖壞民屋數家人
有遭壓斃者

道光二十五年縣火

咸豐六年縣火 是年及前一年間有野彘成羣遍

巴東縣志

卷之十四

事變災祲

瑞應

六

擾各鄉恣食禾稼里民日夜守禦甚以爲苦

咸豐十年夏五月大雨如注江水驟長民居淹及屋

梁較乾隆時更高六尺

同治三年夏六月縣火

瑞應

寇公準作令時每遊壽寧寺僧必預設具迓之縣在

寺上游

今舊縣

命舟而下轉盼可至度無從得信而

僧顧不失期若夙約者公怪問故僧曰寺崖有白

鹿但公來必爲預鳴公驗之果然因構白鹿亭以

表其異

明萬歷癸卯縣署內有棗二株相去二尺許株各二幹中兩幹曲向而上合生爲一蓋所謂連理木也時當事方議遷治於西瀼至是知縣張尙儒以爲瑞白之中丞趙公其議遂寢

按京房曰木生連理其地有亂晉懷帝永嘉六年五月無鍾縣有四株茱萸樹相繆而生狀若瑞連理先是郭景純筮延陵蝮鼠遇臨之盆曰後當有妖樹生若瑞而非乃辛螫之木也倘有此東西數

巴東縣志

卷之十四

事變瑞應

七

百里內必有作逆者及此木生後徐馥果作亂以此觀之所謂連理棗者妖也非瑞也是時張尙儒作令歷任五年乃遷歸州牧而縣中絕不聞有發達者越三十一年江北有流賊之禍自是寇盜相仍歷

本朝康熙甲辰始平而民亦垂盡所存百不一二焉先儒言凡物變常者皆謂之妖信哉

舊志

道光二十二年縣北牛崗椿樹坪種粟一區其一莖

兩穗一莖四穗者各半

奇異

宋太平興國中寇公準以進士擢任巴東縣令方抵

任舟經叱灘

在歸州北
上里許

險幾覆溺忽神自水中挽

舟而行公詰之答曰我黃魔神也公異日當大用
故來擁護但裸體不敢出見公以錦袱投之神卽
以袱蔽體出拜而去

明嘉靖四十一年有差役譚壁支出銀七十兩查盤
使者按邑關領雜之積案中不得無以應令議壁
罪逮獄壁弟禱於寇公祠至墾使者夜夢公來謁

巴東縣志

卷之十四

事變奇異

八

冠服偉然獨背間有損汚處一罪人長鬚抱案牘
隨公後跪堂下公直曰我寇巴東者是顧謂壁冤
且言領狀可必得使者覺而召致壁壁果抱案牘
跪堂下宛然夢中長鬚人也壁具白稱冤使者心
然之令於積牘中搜原領忽出遂豁之乃致祭謁
公祠體貌亦宛然夢中而背間果爲屋漏所點尤
甚異之因出資命修繪焉

見舊志

西瀼溪兩崖壁立于尋有敝艇在石罅間去水約半
里許望之舳舻皆可辨相傳昔人於溪上鬪龍船

不覺飛起置今處船旁另一罅有木數片卽當日
駕船撓也其地至今名龍船河以此

明萬歷七年十月七日邑人向萬里將起觀於龔家
山之麓材旣具矣詰朝當繕架其夜失梁所在遣
人踪跡之乃在萬石河北岸之小峯峯陡絕一逕
如綫度非人力所能爲萬里神之遂卽其地改建
焉今所稱飛梁觀者是土人言此地多蚊蚋觀內
獨無又其異云

國朝康熙二十一年西瀼有小船繫北岸至夜忽自渡
巴東縣志

卷之十四

事變奇異

九

江抵南岸遂泊不動先是北岸人病疫物故者甚
衆南岸無恙至是南岸人大惡之越數日疫果大
作北岸少息焉又縣治有人於夜中見黑青似人
而長叱之不動俄而市人亦病疫甚慘

同治元年渡河岩左聖公祠右聖母祠各有清泉湧
出均產魚雌雄判別烹之味美

